

書名 皇明文衡一百
卷 正德五年
序刊本
撰者 明 程敏政 輯
明 范震、李文
會 校

卷 卷七十七
內容分類 集 總集 各代 明

索書號 大木 集部 總集類 30
編號 D7861500

彩色首頁1

東洋文化研究所漢籍目錄 編號: D7861500


東洋文化研究所漢籍目錄所藏漢籍善本文影像資料庫 索書號: 大木 集部 總集類

30 漢籍善本文影像資料庫文本 皇明文衡一百卷 正德五年序刊本

版權所有: 東京大學 東洋文化研究所

使用上的注意事項

卷七十七



皇明文衡卷之一

代言檄

原檄



翰林院學士新安程敏政選編
鄉進士國子監助教永康范震校正
賜進士應天府儒學教授郊郢李文會重校

宋濂



自古帝王御天下中國居內以制夷狄夷狄居外以奉中
未聞以狄治天下也自宋祚傾移元以北狄入主中國
不臣服此豈人力實乃天授然達人志士尚有
美自是以後元之臣子不遵祖訓廢壞綱常有
如大德廢長立幼泰定以臣弑君天曆以弟醜兄至於弟技



神道碑


奉天翊衛推誠宣力武臣特進榮祿大夫柱國追封

平江侯諡恭襄陳公神道碑銘

楊七可

太宗皇帝初自北藩靖內難至江上都督陳公瑄具舟迎濟
內難平

上正大統錄功賜公奉天翊衛推誠宣力武臣特進榮祿大
夫柱國封平江伯賜誥券陳氏家合肥其先世具余所著其
先公墓碑公字彥純自少穎敏不凡好善惡惡內篤孝行洪
武中侍父官成都習兵畧精騎射以武臣子選侍大將嘗從
出郊遙望孤鴈雜鶩群命眾從者射不中最後命公發一矢
斃之有鷗翔于上命公射應弦而墜自是屢試皆奇中眾大



服而公不自爲能 朝廷命總兵者作蜀府宮城遣將伐材
於山所行失律且材不中度又所經瘴地士多死總戎察公
可用遂命之公善撫綏明號令別取善道七百里以入先期
而還士不病所得材皆適用總戎者嘉之又命董繕作具有
條理遂從征南番巖州中亭及散毛鎮南威建勞績代父職
爲成都右衛指揮同知父坐舊累謫戍遼陽公伏 闕奏請
代行 特詔父子竝免復職衛卒數輩饕餮詖狙詐狹制上下
爲衆患公次第悉去之善類以安從征越雋討建昌酋長月
魯帖木兒踰梁山平天星寨破寧番諸蠻駐西河口諭降夷
人數千從總帥復征鹽井平三山寨及小伯夷進攻卜木瓦
寨據要害立堡以斷賊路官軍分三隊進公居守已而左右
兩隊弗支奔還公所統僅百餘人冒險先登賊數千圍公公
下馬率衆且射且斬賊渡稍却公亦傷足累創進戰自己至
酉賊敗走公全所統而還復從征餘寇賈哈刺時寇衆數萬
據嶮以拒官軍分三道公軍後進由番西涉打中河得間道
乃出奇兵作浮梁渡河既渡撤梁以固士志遂壓寇境寇憑
嶮迎敵一日十三戰奪其嶮明日復力戰凡七合寇大敗遂
入其壘簡銳卒出哨令望見前軍旌旗即舉砲俾知已敗寇
仍遣五百軍斷寇走路寇窮出降械送賈哈刺京師撫輯其
餘衆公及麾下加被陞賚從 蜀獻王巡邊招撫邊夷兼理
茶馬之政邊人悅戴灌口都江堰壞民苦水患公修其隄防
躬督工作爲堅久計矜恤無告出貲置義田二百畝於成都
積所入租凡貧不能衣食不能婚嫁及死不能斂葬者皆給
之會雲南兵征百夷以功陞四川行都司都指揮同知遂進

右軍都督府都督金事

太宗皇帝知公才可任時北京軍儲不充命公歲董運百萬石道海給之公措置井井初建百萬倉於直沽尹兒灣城天津衛籍兵萬人戍守公善任使均勞迨秋豪無取於下凡漕途姦弊掃滌一清漕舟所經海島夷人畏憚官軍悉閉港公下令俾出爲市而遣官監臨平其直軍無敢譁人兩便之舟還值倭寇劫沙門島公率衆追至朝鮮境上焚寇舟殆盡寇以殺溺死者甚衆奉命率舟師於閩海備倭寇者三海溢毋沒隄岬起楊之海門歷通泰北至鹽城凡八百里奉命以四十萬卒修之航海至者茫洋莫知所停泊往往膠淺公於太倉相可泊處以二十萬卒築高丘二十丈延亘十里爲表識衆便之稱寶山事聞

上親制文又樹碑焉既建北京罷海漕浚濟寧臨清河通南北往來仍屬公董餉運公建議造淺艦二千艘初歲運二百萬石爲之有方後增至五百萬石國用以促若距清江浦引水由管家湖入鴨陳口達淮以兌淮河風濤之患就管家湖築隄亘十里以便引舟浚儀真瓜洲二埧湖港之埧鑿呂梁徐州二洪巨石以平水勢築沛縣刁陽湖濟寧南望湖長隄開泰州白塔河通大江築高郵湖隄隄內鑿渠亘四十里以通舟南北造梁以便陸行自淮至臨清相水勢高下建埧四十有七以時啓閉皆舟楫通行永遠之利於淮濱作常盈倉五十區以貯江南輸稅於徐州臨清通州皆建倉以便轉輸慮漕舟昧河深淺自淮底通州濱河置舍五百六十八所舍置卒俾導舟可行處綠河隄鑿井樹木以便夏月行者凡於事

慮之周而爲之果

仁宗皇帝初臨御下詔求言公首言七事大槩謂南京國之根本直爲久遠鞏固之計選將益兵以嚴守備長民長兵皆宜擇賢能然後政舉而下不失所賢能在推舉推舉在覈實乞選朝臣之公正者分巡天下考察百司政事得失進廉能黜貪鄙則官得人而治可興今府州縣學教官多不得人乞令風憲考察罷黜別選今中外軍伍多缺蓋由所管頭目私役擾害不勝致其逃逸乞勅都府兵部都司嚴切禁約就行清理老疾者令戶丁代逃逸者責限追捕戶絕者驗實除豁伍籍又邊防之要在兵食足近歲如開平等處城不足兵兵不足食所守何由完固乞選武臣之有方畧者授以精兵足其衣食給之堅利器械俾日教習如有沃壤令兼務耕守

今漕運惟江西湖廣浙江及蘇松諸郡去北京甚遠漕河又有洪楫淺凍之阻往復踰年雜費數倍正糧上逋公租下妨農務乞自今令運於近便淮安徐州等處收貯別令官軍運至北京則民力可蘇農務不妨各處官軍每歲漕運畢財力殫乏到家又修理壞船運來歲糧勞動可憫其所管頭目又加別役以重困之乞行禁約今後漕運軍士不得再有別役馬船快船惟二三百料者可行於漕河所載不過五六十石每船已有額設水夫今又於緣河拘集軍民聽候其至接遞聽候日久衣食艱難有至行丐者乞自今罷之

上覽奏嘉嘆命有司咸即施行 賜勅獎諭有老成忠愛之誠之褒加之重賚 賜誥追封其曾祖省三祖重一考聞皆平江伯曾祖母孫祖母朱嫡母王生母王故妻湯皆夫人命

子孫世襲

宣宗皇帝臨御命公鎮守淮安兼督漕運公至察宿弊之為民厲者悉革之豪猾姦究皆斂避境內以寧時已嬰疾而躬勤旦莫靡有滯事疾聞入朝深被嘉勞賜宴賚還至淮安無幾疾復作

上聞特勅勞問時子儀在侍衛令挾醫馳驛往侍竟薨宣德癸丑十月十一日也春秋六十有九訃聞

上悼嘆輟視朝一日追封平江侯益恭襄賜祭命工部營

塋公為人闔爽英毅弘度偉畧稠人廣會譚論豐饒倫輩推服公餘披閱載籍考知往古成敗治亂之故喜近逢掖士時相講議善交際能推利為義所至以濟人為心多所建置入用德之不忘家有樂善堂恒舉鄒孟以仁義忠信樂善不倦

之語以勉子孫配其氏封夫人子男五佐襲平江伯從公數

歲卒次儼次儀今為勳衛好文事精武畧次倫次侃女三子

芳江陰衛指揮同知張英其婿也一未行孫男三裕今襲平

江伯祐祔女七公葬以薨之明年三月墓在江寧縣太山之

原余與公同朝三十餘年相知且好於是儀以狀求著神

道之碑故按狀叙而銘之銘曰

繫公挺出何桓武兼勇智追前聞材藝夙試卓寡備我之

三品承考勳繼漢遼嶠獨群負嶮弗擾憚且趁公奮掃剗

迅拔塵前滌腥穢寧邊民有截譽望齊峴歛徵來東衛宸

垣遭承興運效駿奔錄勞疏封昭鴻恩貂蟬鞶玉衣繡麟

報賜志企古蓋臣單心畢慮靡夕斫滄溟茫洋渺涯沂歲漕

萬艘奄然臻有梗于海威赫震斬鯨戮鱷焚甲鱗崇表海岬

巨長雲雲章龍彩天垂文南賦北貢艱以辛踰淮歷齊底天
津疏堙鑿堅劬且勤坦行如砥厥者忻猗嗟公篤孝與仁厥
施諸時績弗泯愛 國亦有嘉謨陳功載冊府被後昆大江
之陽歸有墳太史銘之昭不刊

封榮祿大夫少保戶部尚書兼武英殿大學士黃公

神道碑銘

黃羸姓顓頊之後以國爲氏勲業文行代有聞者永嘉之黃
自宋御史檢法來以科第起家令緒有傳世篤儒業檢法孫
脩職郎諱適道生元明正書院山長諱南一山長生松陽縣
學教諭諱應發教諭生諱通娶屠氏生公諱性字思恭自幼
穎悟不凡蚤喪父祖母劉躬自撫育遣從學明師時已卓然
有立志讀書必尋究大義十五鄉長兆試所業命賦新竹大
見賞與而操行清潔元季兵亂方國珍籍據溫台署官屬蟻
附之徒率勢跋赫赫動閭里或勸公仕正色叱之遂累足不
出屬歲大侵家益落躬儉約以率下而養親必豐

國家既定宇內家始復振推其餘以濟親戚鄉黨者率視爲
分內事內弟王時中孤寡依公公資遣之學後升太學生公
皆輟已資之時中旣授官坐事當沒其家有司以同籍併沒
公家公叩有司求得先祠神主及先世傳文以付其親戚曰
保藏之如黃氏先德未泯吾當還則此不可失也而求檢法
所受告身或言燬矣大慟幾絕旣至京白其情於

朝得釋歸而告身實未燬亦復則又大喜曰復此萬金不足
重也公於學自幼至老不倦間居潛心載籍喜爲詩不事雕
琢務以理勝遇名人制作有會意者手自抄錄晚亦喜譚道

學嘗書邵子安樂窩吟置齋壁時諷詠以自適永樂十年以子淮貴封奉政大夫右春坊大學士時淮侍

仁宗皇帝監國屢問公安否嘗賜瓊玉膏一器洪熙初進封榮祿大夫少保戶部尚書兼武英殿大學士淮奏請分少保祿給於鄉以供養從之天下聞而榮豔焉於是公年已九十鬚髮半白而齒落復生雖重聽而日益明步履強健前二十年嘗預作壽藏是旦甘露降其前之松柏識者以爲公之壽徵至是而驗公雖貴益惇謙謹雖五尺童子接之以禮溫裕有容犯未嘗校隣惡少嘗侵公蔬地公弗校而侵不止有譏公愼者公若罔聞惡少後侵官地有司將治之而詢諸其隣之老公爲疏其實而薄其罪人皆服公之量公已進封一品其友之亦有官于朝而佚平者過家焚黃數於會而位公

上聖人交誦之而公怡然不一毫在意閩陳興祖清尚事與公厚善客死永嘉公歛葬之盡禮而繪像時展對焉其交篤誼類此性簡澹無他嗜好所畜惟經籍法書名畫及古器物有就鬻者倒囊不靳不嗜酒而喜賓客有過者必傾寫盡歡淮謝病歸日侍甘旨公益樂時携賓客載小舟嬉遊山水之間翛然物表也所作詩文有靜菴集八卷藏于家一日得疾手書數事付淮本要以報

君上爲重遺命喪葬循朱氏禮而屏斥浮屠老子法語訖而逝宣德六年十一月五日也享年九十有三訃聞

上遣官賜祭命有司治塋廷臣自師傅六卿以下皆致祭配王氏里儒家貞淋秉禮既歸黃氏蚤夜躬勤女事佐裕其家凡所制財用之宜井井有條理尤謹先祀睦族姻而愛其

庶出之子孫踰於已出永樂壬寅十一月十三日卒享年八十有六初封宜人後贈夫人其卒也 朝廷遣官賜祭命有司營塋子二男一女長男濟庶出次即淮及女皆王夫人出淮洪武中舉進士由中書舍人累陞右春坊大學士通政使少保戶部尚書武英殿大學士立 朝有侃侃之節歷事列聖皆為

上所信任今以疾歸第女適王士昌士昌蚤卒無子誓守節不更嫁孫男五樂先卒榮榮采榮女三葉璣玉宜嘉其婿也一未行曾孫男四旭暉珣瑜公與夫人合葬邑大羅山之原於是淮具書以前翰林檢討潘畿所述事狀使來京師求書墓道之石士奇與淮同官三十年辱公知有素不敢辭敬次弟書之而系以詩曰

滄海之填清浙之東奕奕永嘉為文獻邦出者奮庸處者志仕止之義代有聞世邦之黃氏其來逾遠當宋紹興臺幕有衮秉德執義不附權姦卒用裕後而今桓桓公其世嫡曷潛在下抱貞含和允續乃祖紛其饗諒公獨引恬紛其矜高公獨履謙五采翹翹翔雲漢帝嘉所生龍光輝煥崇秩重祿玉帶朱衣雍容立園消極期願邦有壽俊平世之瑞亦有賢洲德人之配青山鬱巒雙壁合藏毓祥垂祉百福其昌

贈驃騎將軍左軍都督府都督僉事王公神道碑銘
宣德十年加贈左軍都督府都督僉事王瑜之祖彥達考銘皆驃騎將軍左軍都督僉事祖妣黃妣成皆夫人封其繼母茹太夫人於是瑜承余文勒碑其考之墓用昭

上恩於永遠按王氏初出太原宋諱源者為滄州學官因家焉其子曰福綿自滄徙泗州娶房氏一子即達又徙山陽三子銘其仲也字銘甫洪武初從征伐以功長五十夫暨老而瑜代之瑜謂余曰先考天性質實尚德務仁蹈履率正而篤於教子恒言忠孝人道之大端人而昧此不可以立於天地之間瑜不敢違情瑜非承籍先公之德不有今日幸執事之惠異之也余與瑜同朝久蓋素知之始瑜既代又選隸趙簡王護衛時留京師一日其護衛指揮孟賢等十數輩潛結造邪謀篡奪布置已定簡王實不聞也瑜親戚有與謀者瑜竊聞之力諫止不聽遂奏發之詔捕賢等悉獲之得其偽詔書及邪謀本末賢等皆伏誅陞瑜遼海衛正千戶遂

進緝衣衛指揮同知

恩三代贈其祖若考皆懷遠將軍指揮同知祖妣妣皆淑人封其繼母太淑人後陞瑜都指揮僉事署左軍都督僉事佩漕運印充左副總兵董江南饟運其蒞事勤敏持操廉潔秋毫無取於下夙夜顙顙志在奉國遂實授都督僉事瑜之能子要之本於銘甫之能父也自瑜效忠十餘年致位二品膺受重寄榮及祖考天之所以報施厚矣凡人之善患無諸已誠有之天道未嘗爽其報也銘甫之顯庸雖不在其躬而必在其子榮命雖不見諸生前而必徵於身後天之道豈不信哉銘甫四子長琳次琮次瑜次璠八孫堂堅爾賢直顙顯賓銘甫生元至正辛丑五月十日沒於永樂壬寅十二月八日春秋六十有二葬海州城北沙村之原銘曰

南山之植根本深厚挺發為材凌切雲表宜柱宜梁廟堂之

皇朝文獻通考卷五十七

九

需宜艦宜舟濟海與湖王氏之宗善仁代有有治襲焉歷祖暨考篤鍾于嗣秉志桓桓維忠維誠以事

大君發擿兇慙爰清氛曠

帝錫寵嘉曰旌汝義崇秩豐祿式賁厥躬派厥祖考申顯褒封厥考維良允蹈于德教成于家致時赫奕歸焉佳城其藏在此春秋來拜振振孫子

開國輔運推誠宣力武臣柱國武定侯贈營國公諡威襄郭公神道碑銘

楊榮

洪惟

太祖高皇帝龍飛淮甸應天順人爰刈群雄戡定海內一時智勇材力之臣感會風雲效其忠勤輔成帝業開千萬載太平之運奇勲偉績鏗鐸振耀勒銘鼎彝垂

光竹帛與國家相為無窮猗歟盛哉予嘗叨職

國史竊觀開國勲臣其間能身躋壽考世為貴戚子孫享有顯爵久而益盛者不數人豈非其存心之仁與積累之厚有間耶若營國威襄公蓋足徵焉公姓郭氏諱英臨淮人生有異徵沉毅多智身長七尺膂力過人尤精騎射年十八從太祖起義兵甚見親信每令直宿帳中取徐泗滁和采石大平建康鎮常寧國諸郡屢立戰功

上嘗以郭四呼之

上親征偽漢陳友諒大戰鄱陽湖相持連晝夜公時金瘡未瘳力疾鏖戰敗賊於禁江口已而友諒中流矢死有言公之功者

上問之公曰天威神筭臣何力焉

上益重之特友諒子理復立於武昌進軍攻之其將陳僉同者驍捷善禦馳入中軍帳下

上方坐胡牀遽呼公曰郭四爲吾殺賊公持鎗躍馬奮臂一呼賊應手殞墜

上解所御赤戰袍衣之曰唐之尉遲敬德不汝過也授驍騎衛管馬軍千戶從征襄陽克淮安鳳陽安豐陟宣武將軍驍騎左衛指揮僉事洪武元年戊申從大將軍徐公北定中原下齊魯克汴梁平河南取元都破潼關彰德廣平所至有功初大將軍遣公取通州公距城三十里爲營深溝高壘爲持久計衆請速攻之公曰吾師遠來敵以逸待勞攻城非我利也宜出其不意破之翌日大霧公以千人伏道傍率精騎三千直抵城下元將五十八國公帥敢死士萬餘張兩掖而出

與戰良久公佯敗彼乘勝來追伏兵中起截其軍爲兩道斬首數千級擒元宗室孛羅梁王遂克通州元君乃北遁克永平真定定州生擒守將湯同僉復從平章常公取太原守將王保保軍於城西公憑高望之謂常公曰彼兵多而不整營大而無備請夜劫之常公深然其計遣五十騎伏城東十里以舉火鳴砲爲期至夜公率十餘騎潛入其營舉火鳴砲伏兵亦舉火鳴砲常公引兵繼至鼓譟之聲耳相接保軍大潰自相屠戮乃棄城遁下興州大同至沙淨州生擒僞將竹平章渡河取鹿臺西安鳳翔鞏昌追敗賊將賀宗哲於亂山庚戌陞本衛指揮副使從征迤西克定西討西夏察罕惱兒撫安忽辰平章沙淨州復叛討平之克登寧州斬首二千級獲牛馬數千陞昭勇將軍本衛指揮使賜金龍衣一襲辛亥陞

驃騎將軍河南都指揮使將赴鎮 皇寧妃公之女弟也

上遣至公第餞之且謂公素清儉賜白金二十鑿廐馬二十

二匹時河洛新罹兵燹邑井蕭條居民艱食盜賊充斥公宣

布威德綏輯流亡申寬條明賞罰遠邇來歸者日以千計未

期年戶口倍增境內大治丙辰移鎮北平河南士女不忍其

去遮公馬數十里不得行甚至泣下既去為立生祠北平初

定群胡反側不寧公開示誠款諭以理亂禍福人心遂安元

左丞何允中等聞公之德來降者凡九千餘人

上遣使勞以上尊羊馬授龍虎將軍北平都指揮使

賜誥命逾四年 召還京進大都督府僉事更定官制改前

軍都督府僉事灰山賊反承 命討平之 賜馬七匹辛酉

從顯川侯傅公征雲南既至 命公及都督陳桓胡海分道

進討道多險隘諸將欲深入公曰破敵貴先聲攻取必自近

始舍近趨遠豈策之上耶遂先 攻赤水河路距河二十里為

營時久雨河水暴漲公曰賊時 水漲不意吾濟下令諸軍斫

木造筏夜半濟河比曉賊始覺 遂大潰生擒烏撒拜阿容諸

蠻由是雲南諸賊破膽進攻 靖六梁州關索嶺及偽石元

帥山寨皆克之至江川椅子 寨依山公先遣騎兵五千攻

其前賊空寨迎戰獲以精騎 數百擣其後斬門而入火砲連

發烈焰漲天賊乃亂乘破城 之進攻大理金齒降其偽官段

平章攻安寧州賊將不花帖 木兒棄城走破富民縣山寨攻

靖守州蠻七寨一日夜破之 攻牢撞山寨取仁德府破哨店

山寨圍姚安敗賊將李自久 平蒙化州鄒川州破三營復光

寨過金沙江攻北勝府生擒 賊將高生平麗江府平津等州

前後斬首一萬三千餘級生擒二千餘人收精兵人馬數萬
船千餘艘蠻民降者數十萬戶雲南諸路平論公功進爵開
國輔運推誠宣力武臣柱國武定侯賜誥券食祿二千五
百石子孫世世承襲乙丑加靖海將軍鎮守遼東丁卯同大
將軍宋國公馮公討北虜納哈出降之師旋虜將追襲之公
與戰創傷左脇箭復中右脇公佯呼虜傷吾甲我衆益奮連
戰數十合虜遂却已而進征虜右副將軍仍鎮遼東戊辰出
討北虜至捕魚兒海邏騎偵虜營不遠公乃令諸軍少憩飲
馬銜枚卷甲倍道而馳直抵虜營虜王覺乃率十餘騎潰圍
出其將蠻子太尉來拒我師公手刃之獲兩營所積金寶玦
玩圖書降其衆五萬餘人生擒虜將咬咬副從乃曩家大尉
奕古達兒古不達刺王子等四萬餘人馬駝萬五千匹牛羊

輜重無算師還賜白金千兩鈔八百錠綵幣四十匹已已
上以天下無事且憫諸將老欲保全之厚加賜賚遣歸其
鄉公亦就遣庚午獨召還京

上賜坐與語歎甚命統禁兵及在京諸軍蓋

上春秋高知公忠謹特倚重焉辛未以虜酋阿扎失里寇邊
命公討之獲其人口孳畜逐北至鴉寒山而還丁丑川陝寇
發勢張甚

上顧曰非卿無能勝其任者授征西將軍印討之至沔之後
河生擒賊首高福興及黨四千餘人公疏其同謀者請誅之
脅從者乞勿治且言有司不恤民宜正其罪

上可之永樂元年癸未二月十七日卒于家享年六十有九
訃聞

太宗文皇帝爲之震悼輟朝二日遣官致祭賻卹有加贈
營國公諡威襄 賜塋京師聚寶山之原公孝友仁恕恭儉
誠實出於天性母夫人嘗疾篤懸身燈告天求以身代疾遂
愈人皆謂公孝感所致後母夫人卒公廬墓側晝夜號泣不
絕聲臥寢於地毀瘠日甚一夕夢母夫人告曰地濕則致疾
致疾則傷生汝固純孝惟竭忠報國爲父母光墓不必廬也
公感悟而歸家三年之中哀痛如一日平居兄弟怡怡克盡
友愛御軍行師動有紀律推心任人甘苦同之其攻克州郡
必禁虜掠戒殺降封府庫收簿籍一錢尺帛不敢私嘗北征
軍法夜必令親軍更直荷戈環帳立一夕風雪大作公悉罷
遣歸營其愛恤軍士多類此家居簡靜好讀書天文地理百
家之說靡不通曉教訓子孫以儉素力學爲務事

太祖高皇帝四十餘年小心謹慎未嘗有過 眷遇錚隆而
自處益謙

上嘗御便殿 賜坐適有奏事者公趨避之

上曰卿第坐朕自理事不汝關也其見敬愛如此時公卿多
置田產公多不治

上問之對曰臣一布衣荷

陛下寵靈叨有封爵子孫衣食餘饒安敢增益俾生侈心

上善之嗟歎良久公大小百餘戰金瘡遍體每陰雨痛甚及
聞征討之 命即日就道未始以老疾辭其事

上竭忠蓋如此曾祖參祖聚父山甫累贈營國公會祖妣何
氏祖妣趙氏母單氏贈營國夫人配馬氏封營國夫人公兄
弟四人長早卒次興以軍功封鞏昌侯贈陝國公諡宣武次

其福建都指揮使次即公也子男十二人鎮銘鏞鑑鎗銓錡
鈺鈺鑛鋼鎗鎮駙馬都尉尚永嘉公主銘遼王府典寶追封
武定侯鏞中軍都督府右都督鑑中都留守司副留守鎗散
騎舍人錡早卒鈺贈承德郎尚寶司丞鈺旗手衛指揮使女
九人長適府軍衛指揮僉事隴瑜次適濟寧衛指揮使弋某
次遼王妃次適府軍衛指揮僉事趙斌次郢王妃次適金吾
右衛指揮同知范聚餘早卒孫男二十有八琮琰璧瑋瑄瑾
珺瑤瓊璟玘璋瓊璣璣琬琰餘尚幼琮府軍衛指揮僉事
玘襲武定侯瑾早卒珺尚寶司丞瑤 梁王府典寶瓊璟皆
勲衛孫女十六人長

仁宗昭皇帝貴妃次適留守左衛指揮陳鑑餘在室曾孫男
五人聰耽餘尚幼聰散騎舍人予觀前中稱郭汾陽功蓋天

下而主不疑位極人臣而衆不嫉富貴壽考始終令節七子
八婿諸孫數十人俱膺顯仕唐世榮之若公勲業之隆子孫
之盛方之汾陽夫豈多讓皆由公存心一本於仁故積累之
厚愈遠愈隆焉嗚呼偉哉玘以神道之石豈立無以昭示永
久來請文予閱其家傳考定其大者次第之而系之銘曰
天啓

皇明淮甸龍飛乘時應運風雲一機

大祖受命汛掃餘孽群力桓桓鼓勇就列東征西伐北南以
平斷出神聖功協衆能展也郭公有文有武翊輔

真主實天畀付鄱陽之戰衆論偉公公仰廟略不有其功旣
捷通州再捷太原河南北平黎庶懷恩南詔之征武功尤大
誅叛全生蜀民是賴蠢蠢彼殘胡偷生漠北卷甲擒之妖氛蕩

條

皇有嘉錫錫爵褒功金書鐵券武定啓封錦袍御馬白金文
綺赫赫高門煌煌戟榮世聯國戚代有顯融匪幸所致惟公
之忠忠在

朝廷載之信史亦有孝思永錫爾類在昔汾陽著勳者唐公
實似之于今益彰我作銘詩勒功墓道百世斯承有赫其耀

太子太師郭公神道碑

天眷 國家誕啓中興之運必有英傑爲之股肱運謀効力
於其間而後勳業克成故榮祿大夫太子太師郭公實其人
也公諱資字存性姓郭氏河南武安人曾祖諱溫父仲禮皆
以公貴贈榮祿大夫太子太師曾祖妣淨氏贈夫人曾祖妣馮
氏妣王氏皆加贈一品夫人公生而穎敏志氣超羣完弱冠

入邑庠從師受春秋有所造 就洪武辛酉入太學甲子

天府鄉薦明年會試禮部對策 大廷賜同進士出身初爲

戶科庶吉士擢戶部總部試 主事丁外艱服闋實授本部湖

廣清吏司主事改陝西清吏 司吏不容奸聲譽頓起陞都察

院左僉都御史無何尚書郁 新以才薦之授前北平布政使

司左叅議蒞事之初即以本 司弊政爲言

太祖皇帝嘉其忠直陞本司 右叅政公悉心殫慮贊佐有方

不數月陞左布政使精勤詳 慎紀綱大振豪猾斂跡良善獲

安時

太宗皇帝在藩邸尤愛重之 公有所言無不聽納及起義靖
難命公城守撫輯兵民供給 糧餉百費所需未嘗乏誤嘗以

漢蕭何擬之

太宗皇帝即位論功召陞戶部尚書賜白金文綺楮幣視諸伯未閱月以北平重地秉命秉傳掌布政司事未幾

詔建北平設行部拜公行部尚書公以北地軍民初安生業始遂而官司所費冗濫當搏節以恤下乃惓惓以祛弊舉廢為務或有不說而謗公者

太宗聞之降勅慰諭益以心腹任之滿考賜宴內廷頒勅獎諭錫以誥命贈公祖若考皆資政大夫北京行部尚書祖母及母皆夫人歲辛丑

太宗皇帝都北京革行部調公戶部職務叢脞公勤以率下事有條序

仁宗皇帝嗣位念公舊德以尚書兼太子賓客已而復念公抱疾艱於步履不忍煩以政事特陞太子太師俾致事歸鄉

既加賜養又令戶部給公半俸蠲其稅糧差徭特賜璽書慰勞甚至公歸杜門教子孫讀書屏絕外累

皇上嗣登大寶眷求老成念公祇事

列聖勞績居多詔起復掌戶部事免其趨朝朝賜鈔二萬貫公愈感激効忠雖祁寒盛暑必坐公署視事不暫廢僚屬胥吏莫不敬憚焉滿考賜宴于禮部將以勅書譬公如歲寒松柏愈老愈勁其優待隆厚至於如此宣德癸丑十一月疾劇屢言蒙被朝廷重任無以效報為愧切切訓諸子及孫當感恩思報不及家事十二月癸丑卒

上深悼惜為公罷朝遣禮部尚書胡濙賜祭勅工部製棺營喪塋贈特進光祿大夫柱國湯陰伯諡忠襄官其子佑為戶部廣東清吏司主事公生元至正辛丑十一月己巳享年七

十有三卒之日家無餘貲公卿大夫皆往哭弔致奠祭配陳氏賢而勤儉累封一品夫人子男五長儀先卒次卽佑又其次曰儼曰倫曰俊女二季榮高讓其壻也孫男十七人孫女十二人惟公廉介勤慎剛果有爲自始仕至老視國事如家事凡所施爲毅然自任不畏強禦雖怨有弗避害有弗辭與人辨論嚴厲之氣見於詞色而推之於政畧無害人蠹物之心誠 國家忠謹直亮輔弼之臣也佑奉柩歸以其年某月某甲葬某山之原乃以郎中黃璿所狀事行來請文勒之墓道以垂永久余與公交好三十餘年不可以辭旣序其槩而復系以詩曰

川嶽降靈篤生賢哲乘時奮庸以樹勲烈惟公之生早負俊才列職卽署超僉憲臺風猷宏振綱紀斯秩出 祭大藩政興

弊息凡所設施算無遺策顯命薦臨特拜方伯赫赫

大宗仗義而與命公居守撫民餉兵既正大位嘉公勞績進位尚書厚其賚錫公愈飭勵經國如家謗怨弗恤 恩寵屢

加

仁宗嗣位眷顧尤重兼秩宮僚式隆任用念公抱疾進位師臣俾休于家疊施以恩

皇上繼統眷公耆舊 詔復任事寵待加厚維公忠貞衆所

共知維公勲業顯著于時筋力雖衰寸心猶赤奄忽長逝

帝用悼惜贈爵賜諡喪葬是營官其後嗣存沒光榮維茲光榮從古罕致公具有之其誰克似武平有山贊贊其崇勒文墓道垂耀無窮

故光祿大夫柱國少師兵部尚書兼 華蓋殿大學

士贈特進光祿大夫左柱國太師諡文貞楊公神道

碑

楊溥

正統九年三月甲子光祿大夫柱國少師兵部尚書兼
華蓋殿大學士楊公卒公在疾時自為墓誌及卒其子植林
號泣請余為神道碑文神道有碑制也墓有銘古道也義
不可辭乃序而銘之公西昌儒宦家子諱遇字士奇別號東
里曾祖景行元翰林待制祖公榮考子將累贈以公官曾祖
妣祖妣妣皆夫人公一歲喪父鞠成於母夫人陳氏自幼端
重異群兒受業於鄉儒海桑先生海桑夫人世父也見其
敦敏甚器重之公自知學手不釋卷十二三通舉子業鄉人
請為子弟師嘗有儒生過館下棲棲然携書數冊命詢之聞
其母老無所養為分其徒之半與之俾得束脩奉母姑氏舉

家廬疫門無人跡公必宿其家決旬為之調治全愈始還于
是寢有聞於鄉里母夫人嘗曰吾兒力學嚮義足以光先世
及弱冠出游章貢章貢守儒者嘉重之俾攝琴江教事琴江
今亦儒者深賢之公感知已勸令尚平恕嘗為之言脫誣枉
重罪數人或持金謝公者公若不與聞斥之出遊江湘所至
人敬慕欲薦之輒辭不就遂有聲江湖會朝臣以名儒薦徵
入翰林編纂一時儒者稱公博洽試於吏部考其文為首遂
有聲於朝授王府審理副復召入翰林編纂

太家皇帝入正大統改授編修屢遷翰林學士改左春坊大
學士洪熙初陞禮部左侍郎華蓋殿大學士踰月陞少保
兵部尚書尋陞少傅階榮祿大夫正統初陞少師階光祿大
夫公歷事

列聖四十餘年信任始終存臻極品夫豈偶然哉

太宗皇帝初臨御脩復成憲撫綏夷夏神謀聖斷洞合事

幾時在翰林與密勿以敏捷幾智承眷顧者亦有其人公

獨持重勤事未嘗以賢智先人嘗受命與廷臣議事公審

衆長以聞

上稱公能服善及車駕巡北京命

皇太子監國乃命公輔導時營建北京征勦叛虜匠作軍興

徵於南方者咸啓白

皇太子公言監國之體以尊君順親爲心

皇太子嘉納之凡所奏對及裁處庶事鮮有過舉

仁廟卽位公以宮僚荐膺重任知無不言言無不納曾不踰

年裕民之政舉行無遺嘗賜勅褒重之賜察牙書曰貞

一以表其心賜銀章一曰繩愆糾繆俾匡所失賜畿內田四

千畝固辭請業貧民詔三俸俱支公懇辭尚書俸

宣廟臨御益見禮重及東藩構亂公隨駕東征罪人旣得

公請絕浮言以全親親開釋脅從以廣仁恩

上嘉納之

今上嗣位公以老成弼亮治化啓沃聖學力所可爲者身

任之恒恐不及常以高年辭弗許

上憫其情命還鄉展墓公以三孤之重還鄉里謙抑自處如

昔在鄉里時甫數旬卽來京又六年遘疾

上命明醫療之久不愈賜爾書寬慰及賜寶鈔光祿酒饌以

資養之竟不起時年八十

上深惜之輟視朝一日遣禮部尚書胡公諭祭贈特進光祿

大夫左柱國太師諡文貞仍命有司給舟車歸其喪葬鄉邑
白雲原是年某月日也公存心忠厚急於為善自布衣時篤
念族屬周恤急難審取舍行義卓卓為人稱道及為大臣識
達大體嘗曰大臣以薦賢為本然全才難得故所薦引取其
所長不求其備公壽考康寧恩榮始終宜也非幸也娶嚴氏
累贈夫人繼郭氏累封夫人側室李氏子三稷稹林女四人
梁楫蕭承恕劉鈞蔣重其壻也孫男六昱晟暘晏昕女三
人 朝廷脩


三朝實錄公為總裁筆削有公論平生所著有沙羨稿石臺
稿文籍志法書志東里集總若干卷藏於家公立心制行有
自撰墓誌有東里傳有小傳溥自出仕與公文游在館閣議
事彼此不能無可否退而歡如也存亡之感曷有窮已茲用

撮其槩書之神道為之銘曰

斯文遭際千載亨期以翼君德以福羣黎越稽往古異世同
規

皇明啓運大統重熙純佑有命挺生瓌奇左右密勿四紀于
茲玉成耆德以臣以師中流砥柱羣疑烝龜天不憖遺吁其
孔悲

東洋美術研究所藏



東洋美術研究所藏



所藏
圖書